



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Balvzii Miscellaneorum Liber ... Hoc est,
Collectio Veterum monumentorum, quæ hactenus
latuerant in varijs codicibus ac bibliothecis**

Baluze, Etienne

Parisiis, 1679

Epistola cujusdam historica de victoriis Regis Davidis in oriente.

urn:nbn:de:hbz:466:1-14735

deinceps & quietè jure perpetuo possidendum. Ad hoc pro certo noveris quòd Raymundum quondam Tolosanum Comitem & filium ejus cum eorum fautoribus dudum excommunicavimus, nec ad emendationem, licèt benignè admoniti, revertuntur, sed contumaciter in sua malitia perseverant. Venerabiles verò fratres nostros Archiepiscopum Bituricensem, & Lingonensem & Sylvanectensem Episcopos, qui de tuo regno existunt, & tibi favorabiles credimus & devotos, & tui non dubitamus honoris existere zelatores, specialiter propter hoc ad tuam duximus præsentiam destinandos; quibus solita benignitate susceptis, oblatam tibi per eos, quibus in virtute obedientiæ hujusmodi onus injunximus, nostram & Ecclesiæ petitionem tam necessariam affectuosè ac efficaciter studeas exaudire. Datum Laterani xix. Kalendas Januarij, pontificatus nostri anno octavo.

*EPISTOLA CVIVSDAM
historica de victorijs Regis Davidis in
oriente.*

Circà annum
1110.

Verborum abundantiam transmittit affectio. Garrula enim res amor est, & teste Salomone loquelam suggerit amor quam negat ingenium. Cùm igitur desiderij peregrinationis finis & expectationis meæ complementum sit terræ sanctæ de liberatio & paganorum confusio, ea quæ tam à Christianis quàm quæ non solùm à minoribus immo etiam à majoribus Sarracenis & Magistro Templi audiui referre, præsentì pagina vobis significo, & propter multò certius quia adversæ partis testimonium manifestæ veritatis est argumentum, &

multa multotiens de alteris Machabæis orientalibus
relata sunt, quæ de ipsis recenter inciderunt, ve-
tera prætermittentes, vobis significo. Sanè cum
Rex David nuper totam Persiam sibi subjugaret, de
Iorgianis volentibus terram Seraphi defendere,
propter treugas ad invicem contractas, & cum ip-
so confligentibus, multa milia hominum in ore gla-
dij ceciderunt, illisque devictis, quandam eorum
civitatem nobilissimam nomine Thelfi sibi occupa-
vit, & omnes inclusos detruncavit. Videntes igitur
Ieorgiani quòd potentiæ suæ non valebant re-
sistere, se esse Christianos recognoverunt, & cum
eo pacem facientes, ei unanimiter adhæserunt, &
cum eo militant in expeditionibus. Prædictus igitur
David cum quandam civitatem nomine Argès ap-
propinquaret, ejusdem civitatis pagani usque ad
viginti milia ei obviam exierunt ad confligendum
cum eo; quos prædictus David concludens detrun-
cavit, ita quòd non erat aliquis eorum qui civita-
ti prædictæ agenda eorum nuntiaret. Quod viden-
tes quidam mercatores, versus Mareth civitatem
iter arripuerunt cum viginti milibus camelorum om-
ni genere negotiationis oneratis. quos videntes
præcursores David prædicti, usque ad Catram ci-
vitatem illos insecuti sunt, & eos pro majori parte
cum omnibus spoliis ceperunt; & qui de illis evase-
runt, apud Aman venientes, prædicta pro certo
nuntiaverunt. Prædictus quidem David prædictam
civitatem nomine Argis feliciter expugnavit. Aiunt
quidam illam civitatem habuisse quadringentas tur-
res, & super unamquamque turrim unus trabuchel-
lus fuit erectus. Et cum prædictus David de præ-
dicta civitate recederet, præparavit se ad obli-
dendam civitatem magistram terræ Seraphi no-
mine Kalat. Pro qua re prædictus Seraphus in
stuporem & pusillanimitatem conversus est, verens

R ij

Vide T. viii.
Spicilegij
Dacheriani
pag. 379.

amittere regnum & gentem & totam terram suam, cuidam fratri suo non solum commisit, immo etiam illum Dominum & Soldanum super eam constituit, & se de toto regno deposuit. Quamvis igitur de numero exercitus praedicti David inestimabili & facto ejus secundum causas inferiores impossibile videatur narrare fabulosum, de Dei tamen gratia, apud quem nihil impossibile, qui prout vult omnia disponit & mutat, posse fieri non erit vanum aestimare. Univerſi pro Christianitate captivi quasi una persona ab intimo cordis vocem eructuant clamantes incessanter: *Educ, Domine, de carcere animam meam. Usquequo exaltabitur inimicus meus super me. Visita me igitur Deus in salutari tuo, & propter miseriam compeditorum & gemitum pauperum meum exurgam, dicit Dominus.* Quasi respondeat eis: *Quia ecce dies veniunt, & suscitabo David germen justum, & sapiens erit, & faciet justitiam in terram Israëlem, & quia induratum est cor Pharaonis, non vult dimittere populum meum nisi in manu forti, quae est David, visitabo in virga iniquitates eorum.* Malos enim malè perdet, & vineam suam locabit alijs agricolis, ut amodo faciat uvas quæ huc usque fecit labruscas. Et non est praetermittendum quod David dicitur filius Iohannis Regis, quod non caret mysterio. Sicut enim filij quadam virtute innata à patribus generantur, sic & omnis fortitudo virtutis habet meritum. A prima gratia, quæ dicitur praeveniens, quasi virtute generata successivè procreatur. Et quamvis omne significans naturaliter debeat praecedere suum significatum, in hoc tamen opere prius & posterius non conveniunt insimul. Praedictus igitur David plurimis conflictibus agitur, multis offendiculis fatigatus, manus suas à lubrico incepto non retrahit, immo dicit: *Prosequar & comprehendam inimicos crucis, & non revertar*

donec deficient, quia polluerunt tabernaculum Domini, & effuderunt sanguinem fervorum suorum tamquam aquam. Vnde est quòd mea parvitas vestræ circumspectæ discretioni supplicare non sufficit quatinus cum Christi agonytis admilitare vos non fastidiat, rectè considerantes quòd certantium in agone solis comprehendentibus bravium conceditur. Et quia meæ partis sum ita quòd omnibus scribere valeam, vos rogo quatinus prædictos rumores Domino R. Capellano de Ra. & magistro G. de sancto Ægidio significetis. Transmitto etiam vobis omnia nomina regionum quas prædictus David cepit & expugnavit. Datum apud Antheradensem civitatem ultima die sabbati ante mediam quadragesimam.

In primis cepit Rex David terram Elietho, & habet duodecim civitates. Et postea cepit terram Barith, & habet octo civitates. & postea terram Segon. Et de terra Sagal usque Casaar sunt quadraginta dietæ. & de Casaar usque Farfana & Methiana decem dietæ. & de Caufat usque Bothora viginti dietæ. Et hæc est circa dominationem terræ illius. Et præter prænominatas civitates sunt in eadem terra parvæ villæ & castella usque ad ccxx. Et amplius cepit & transivit Gion, & cepit regionem Regis in Canado & civitates Thorofan. Et habet civitates magnas Hamo & Bende, Nexio & Marue, & Sarves, & Ayy, & Nicheshalx, Satrastinam, Carbaniebam, Messavar, & Baalx, & Nare, & Bessathan, & Seri, & Demoad, & parvis civitatibus & castris c c x x x i i. Et venit ad regionem Semhar, & cepit eam, & Mehedaram, & omnes ejus dominationes. & sunt decem magnæ civitates & c c x x. castella. Et postea venit ad regionem Cauresmashat. Et sunt ejus dominationes in longitudine & latitudine pariter trium mensium. Et to-

tam illam regionem cepit. Et venit ad regionem
 Regis Teheris. Et hæc est Elkarach magnum. Et
 sunt magnæ civitates primò Ray, & Heshar,
 & Raccan, & Theruth, Gon, Cassan, & Nassava,
 & Spahan, & Hinadam. Sunt ibidem civitates
 magnæ & parvæ & castra c c c x x. Et venit ad re-
 gionem Dadarteaquam. Et habet x l v i i. civitates
 magnas, in primis Mannar & Esno. Et venit ad
 Guaniam, & cepit eam, & dominationem Enur,
 Boberithir, & duodecim magnas civitates, &
 c l x x v i i. villas & castra. Rex autem David ha-
 bet in societate sua servos c l v. milia, qui non sunt
 de lege sua, Kasser Turchs. Et habet c x x x i i. mi-
 lia militum, qui non sunt de lege sua, qui vocantur
 Biarach. Et postea cepit totam Persiam, & nuntios
 suos præmisit Caliphæ apud Baldach, sicut sæpius
 audivistis. Sed quare Baldach non expugnavit, igno-
 rant omnes rumiferi. Postea cum Georgianis con-
 flictum habens, cepit eorum magistram civitatem
 nomine Thelphi. sed postea concordati sunt cum
 eo. Postea superatis x x. mille Sarracenis, & mul-
 tis spolijs captis, expugnavit Argys civitatem fra-
 tris Seraphi; & hinc, ut aiunt, venit obsidere ci-
 vitatem magnam terræ Seraphi nomine Kalar.

